

國朝先正事略

國朝先正事畧卷五十五孝義

平江李元度次青纂

趙孝子事畧 閔孝子

趙孝子希乾字仲易江西南豐人父師高嘗從豐城李見羅先生游著有潛然集凡邊屯田議等書早卒孝子依大母母以生年十七母抱病月餘日夜禱神祈身代不愈往問吉凶於日者答言無生理往卜於市占者復言不吉孝子踟躕不去曰何以救吾母占者惡其煩數詢孝子而嘻曰危矣剖心其可救乎聞者皆怪之孝子心識日者言歸見母病益危篤作疏告神書遺言付仲父及弟封識之時日光斜射牀席寂無一人孝子取笥

中華髮小刀坐牀上剖胸深寸許以手入取其心不可得忽風聲震撼衝其戶孝子驚疑以爲有人至四顧周章急反刀刺其胸肉置几上復取腸出斷數寸蓋人驚則心上忡腸盤旋滿膈腹云孝子置腸肉釜上悶絕於牀弟妹出見釜上物以謂孝子剖腹也烹而進之母再視孝子血淋漓胸腹開氣垂絕始知其剖心城邑喧傳聞於令令親往視之命醫調治母子病不數日母病愈孝子亦漸進食飲唯胸前腸出不得納每日子午間腸端懸濡濡下月餘胸肉合終身矢從胸上出而穀道遂閉飲食男女如常人明學使者侯忠節公峒曾聞其事拔充博士弟子員尋選補壬午恩貢甲申後奉母避亂山中貧甚賣卜以爲養

又十餘年母壽八十餘乃卒。孝子高準大耳頤而長。天性渾樸。客或求觀其胸。下腸解衣示之。兩乳正中閒。腸突出寸許。色鮮紅如血。以帶繫竹筒懸於項。及嚙承其糞。曰必洗且換。至再三。蓋三十餘年矣。母終。未十年。孝子亦卒。年六十有一。同時浙西有閔孝子者。事與此類。

閔孝子佚其名。湖州之南鎮人。性粗獷。力耕。未嘗讀書。而事父孝。父爲老。請牛年七十二。病且革。戚里咸勸治後事。孝子不聽。一日父病霍然起。又數日。受杖履矣。人莫測所由。曰孝子呻吟牀第閒。狀甚苦。妻數叩之不答。晨起見其捫心難堪。疑其伺其寐發所捫處。見創則大驚。孝子不能諱。曰常聞人言親病。

不可救者。得子心片許。雜飢粥。噉之。可治也。子不忍父病不救。請於神。引刀刺胸。出心。割片許。適夜半。父呼。飲納湯中。以進。不意父果霍然。當刺胸時。不甚楚。割畢。創卽斂。如未刺時。今始不能忍。然祇之勿以戚吾父也。妻大驚。白之醫。醫曰。嘻。願安所得藥。妻泣請不已。妄出藥塗之。去言必死。詰朝。藥忽遂落。創痕已失所在矣。事聞於

朝康熙甲辰被旌。詔下之曰。惟其父拱立閭左。郡邑大夫讓孝子出。則已先二日遁去。

黃孝子事畧

顧廷珩

劉龍光

黃孝子名向堅字端木江蘇吳縣人父孔昭舉明崇禎癸酉鄉試官雲南大姚令鼎革後阻兵不得歸孝子孑身往尋之以家事付其妻曰此行不見父母決不歸也族黨皆阻之不顧既出門遇客之舊往滇者詢之告以道里之遠山川之阻戈鋌之擾狼虎之暴與盜賊剽掠猛毒番鬼之險惡復阻之卒奮然往一蓋一笠披零丁帖赴關數百重將及滇滇人訝其形容衣服不類欲加刃時兵戈未靖疑爲間諜也告以實痛哭如嬰兒眾乃釋之至白鹽井遇父母及從弟向嚴俱無恙喜極哭失聲鬚鬢皆爲感動踰一年得歸歸時途中與弟親扶盤舉怡怡如也始

順治八年十二月訖十年六月往返二萬六千餘里吳人作樂
府以傳其事而吳江潘檢討未至投刺自稱弟子同時孝子又
得二人焉曰顧廷琦曰劉龍光

顧孝子廷琦字珮堅長洲諸生也父繩治崇禎庚午舉人知蜀
之仁壽縣張獻忠破成都不屈死天下既定孝子步入蜀薰面
赤蹀前後歷四寒暑始得扶輿歸中閬川水暴漲幾死絕粒數
日幾死遇盜劫幾死隔穹崖絕巘墜深淵幾死而卒不死不死
而卒扶輿以歸天相之也方孝子之成都時山川猶存城郭易
位無有知瘞葬處者呼號路側誓不欲生由遵義民訪之殷繼
周黃珪由繼周珪訪之文運由文運訪之曾大禮始得諸龍腦

橋側廬墓數月往返六萬四千餘里抵里門鬢髮白矣事詳孝子自撰入蜀記。

劉孝子龍光者字藝蕭亦長洲諸生父廷諤官明益王府長史國初道梗孝子始以省試歸兵後不知父母存沒日夕涕泣家故貧徒步往建昌時益府舊人無在者禱於張令公之神夢中若有告以石梁者然不知所謂久之遇一女僧云石梁爲閩粵交界處今官道開兵出閒道往七日可達孝子乃盲死穿藤岐一縷天踰白石嶺高萬仞蟻旋而上血漬雙足過山麓得微徑俯視山下有村村中板屋三楹流泉泱泱鳴石上孝子心動謂得母卽石梁乎叩其戶則母管孺人出焉喜極而哭問父所在

先二年卒矣。又大哭問。曩何地。則在板屋中。又哭。村民聞哭。皆來觀。曰。吾鄉舊名見娘村。宋孝子王龍山見母處也。今遇子。又一孝子矣。乃涕泣奉母扶櫬歸。孝養十餘年。母沒。以哭母得心疾。終其身。

錢孝子事畧 劉應燾 劉德漢

錢孝子名美恭。浙之紹興人。父士驥。明季由舉人授雲南陽宗知縣。有子三。孝子其季也。八歲時。庶母與仲兄之官。孝子及伯兄待母。醢故鄉未幾。明亡。滇南道梗。伯兄亦卒。順治戊戌。滇方內附。孝子欲往尋親。母弗許。康熙癸卯秋。復請母曰。空囊能行萬里乎。孝子曰。此不可意料。絕處逢生。未可知也。遂行。由江西抵廣東。病幾殆。蓄六閏月至南甯。瘴氣方惡。兩月餘。至廣南。又病。瘡力疾行。山徑十步九頓。抵蒙自宿土城旅店。竟夕不寐。悲吟聲達戶外。有旗人楊姓者。問之。告以故。楊曰。是故錢守兒耶。守以考最。堪知嵩明州。乙未五月卒。官葬通海縣之南山。在滇。

國朝先正事畧

卷五十五 孝義

五

復舉兩子兵燹後君家兄弟僮僕不知散失何所矣孝子聞言五內崩裂至通海問南山無知者痛哭於路左觀者訝之爭問故有老人曰我爲闕氏兄應乾錢公乙酉所取士也有童姓者君家舊僕蓋詢之至則僕適他往其婦滇人也詰問再三愕然曰此豈浙來小主耶有頃僕歸不復識詳告之乃相持哭叩其始末一如楊姓言尋謁墓南山仲兄至亦不相識矣詰旦探庶母幼弟居敝廬困甚時甲辰十一月五日也謀歸父骨無貲寄跡僧寮復疏馮嵩明自乙巳至戊申展轉丐貸乃藉張臬使之力得偕仲兄負骨歸兩弟及庶母畱滇是年九月十五日抵家蓋往返六年矣好事者演傳奇曰尋親記觀者皆爲泣下

同時有劉孝子者。名猷。煜字台凝。陝西華陰人也。父濯翼。崇禎
開司訓武昌。偕其妻及幼子以往。而孝子留家視墳墓。旋賊擾
楚豫間。道絕。失音耗。十餘年。順治初。孝子徒步求父母。楚中時
寇亂。垂定。焚火猶數。舉紆迴險隘。出入鋒刃。開履。死乃達訪。
舊時僕役。流亡都盡。日夜哭。涉遇人。輒誦。詢莫有知劉教官者。
一日。哀號山徑中。一老人聞之。曰。劉教官夫婦死久矣。其子爲
盜掠去。孝子籲老人導之至。瘞所發之。見輒焉。朱書記姓名。繕
質皆合。猶濯翼所自書也。孝子乃得負其父母骸骨歸。肩肉爲
枯者數寸。孝子彊直自遂。爲邑諸生。嘗以言語忤學師。置劣行
法。當除名。提學道田君厥茂。集多士問狀。眾以其事對。田乃唱

然嘆曰。是則孝子宜旌矣。遂得釋。而孝子自是不復應試。晚而請樹藝爲小園。讀易其中。從容朝夕。有忤之者。置弗校。年八十餘卒。

又涿州劉孝子名德。瀟國子生。父源。汴明季官鵝臚寺鳴贊。流賊破京師。按京朝官及選人籍。名索諸薦紳。榜掠之號曰追贖。或立斃。或賂而免。或受其賂而又殺之。方是時。源汴名亦在崇中。孝子匿源汴他所。而身自詣賊。曰。劉鳴贊卽我是也。賊拷責數百。孝子默無言。久之。度父已遠去。乃奮起叱咤罵賊。賊怒。杖殺之。而源汴竟行。邈沒齒不出。蓋身不罹刑辱。名不汚賊黨。一時士大夫類莫能及云。

顧孝

顧孝子伯璟。字士瑩。山東曲阜人。復聖六十六世孫也。性孝友。補四氏學生員。父允紹。明季官河間知府。敵兵至。城孤乏援。力不支。朝服北向拜闕。室自焚死。孝子與弟伯玠。時家兗州。兵亦至。城將陷。兵民皆竄。孝子體肥不能走。伯玠手掖之以行。步益窘。孝子曰。同死無益。弟急去。猶可活也。伯玠不肯釋。孝子給弟他顧。躍下城。伯玠俯視痛哭。矢及其身。而卒。孝子仆地傷左足。夜乃甦。爲邏卒所得。見其修髯偉貌。不敢害。昇以告其帥。孝子見帥不爲屈。帥驚異。問之。則顧子後也。遂延之坐。畱帳前。有被掠者。偶語曰。昨見城中婦女十數輩。還卒驅以走。中一婦不肯。

行卒反刃擊其臂臂折猶罵不已卒殺之牆下有媼過之指曰此顏氏婦也孝子曰得非吾婦朱氏乎告其帥跡之果然蓋刃傷已四日矣驗其息猶未絕載之還復活帥謂孝子曰而日念而父然兗州破時河閒陷已一月矣孝子聞之長號力請於帥護之出軍壘蹣蹣走河閒時盜賊充斥白刃塞於前積日不能得食每被執輒忼慨與語輒得釋卒達河閒哭其父甚哀路人皆哭方其父之自焚也幼子伯珣甫六歲僕呂有年抱之出火負而走道中流矢死伯珣匿民間顧得免孝子既拾父遺骸復訪得其弟與俱還倪文正公元璿河閒公座主也至是道經河閒爲文以祭曰父忠子孝是吾師矣由是孝子之名聞一時生

平坦易而家法嚴以肅。友愛季弟同居無閒言訓子孫以經義。鼓琴賦詩自娛。恆自言壽止六十一。果驗。子光猷官編修。光敏進士。官吏部郎中。皆有文名。性亦孝。執親喪。躃踊盡哀。淚與血俱。四方觀禮者有類。丁善科喪之日。

陳孝子事畧 賀上林 何士閔

陳孝子名嘉謨。字我師。江蘇興化人。邑諸生。順治初。父宏道。爲
怨家所誣。繫府獄。獄卒絕其糲餼。孝子乞一見父。不許。知縣小
計。必殺之。乃痛哭於城隍神。作血書。懷之。出。自沈於河。是夜蒼
頭守舍。候孝子不歸。忽聞哭聲。自外至。扣門甚急。啟視。無人心。
怪之。及明。兩淮通使白某得一函。啟視。則嘉謨訟冤血書也。通
使大驚。適蒼頭亦來訴。求其尸。七日。出。自鈔關河。屹立風浪中。
髮皆上指。遂出宏道於獄。收葬孝子。而抵誣告者罪。後十餘年。
有賀孝子事。

賀孝子上林。丹陽人。父天紱。以事忤令。繫獄。將殺之。孝子年十

八謀脫父不得。聞巡撫將至。涉江湖淮。迎舟大呼。騶從呵之。不
得前。憤極。遂投河。髮沒數寸。復躍起。大呼。巡撫令急救之。已死。
檢其衣。得一紙。則白父冤狀也。巡撫按部。具得令不法狀。黜之。
釋天赦於獄。鄉人爲立賀孝子祠。又何君士閩者。安徽南陵人。
也有族人滿盜。破其祖母冢。以葬親。孝子訟之官。三年不得直。
會巡撫檄兩縣令會勘。滿健訟。事仍未白。士閩大慟。觸碑腦裂。
而死。令義之勒滿起棺。治其罪。葬士閩。題曰義士何士閩之墓。

曹孝子事畧

張維德

張振祚

薛文

薛化禮

曹孝子起安徽和州諸生有學行順治十六年海寇鄭成功犯江南掠及州境孝子奉親出遊猝遇寇兵欲戕其父母孝子號泣請代寇閱而釋之家貧力供甘旨以養居喪負土作墳家有紫微一株父手植也久枯孝子每對之哀慟忽復發花時人以爲孝感康熙四十二年旌孝子以身代親死事與張孝子維德致相類維德合庀人明崇禎乙亥流寇入境執其父將見殺孝子年甫十五歲延頸就刃求代父賊義而釋之越順治丙申父卒哀毀骨立廬墓側三年又張孝子振祚廬江人也父宏任攝帑知四川嘉定州崇禎壬午流賊逼城孝子奉父命領數騎

突出求援。城等陷。孝子遲見父。被害。觸石死。時弟振祺以應試。回籍阻絕無音耗。及順治甲午。聞信。奔赴至保甯。阻寇不得前。巡撫李國英拔署梓潼縣。三年。道始通。卽辭官尋母。遇之。哀眉。縣年七十餘矣。奉以歸。

和州薛氏二孝子者。兄文弟化禮。陳橋洲農家者。傭也有母老矣。乃傭力以養。而畱一以侍母。迭相代傭者出其一人。潔治茅屋。坐母中央。絮絮語移日。日將卧傭者荷擔自村外來白漿一甌。酒一壺。市脯或生肉。用楊柳貫魚。輒以至至則竊烹。跪進。兄若弟跳舞歌謠以侑食。歲以爲常。或天寒凍冽。則負母出曝於戶外。一人前後爲侏。俛爛斑。卽當作態以博母笑。鄰兒大譁。孝

子不屑意。徐徐負母。逕入戶去。久之。母益篤老病。且死。殯葬皆竭誠信。毀不能出戶。傭主蹤跡至其家。二人則骨立不能起。哭益哀。向鄰人索粥糜羹。活之數日。兄弟竟俱死。時康熙四十二年也。知州事何偉表其閭。又四十四年。學使朱筠。祠其主於何公祠。且爲之記。

趙孝子事畧

趙孝子名萬全。浙江會稽人。父應麟。爲傭而貧。託敎授出遊四方。時孝子甫周時。應麟出無所遇。久客益困。明亡。天下亂。阻兵不得歸。轉徙他鄉。以沒棄其家二十年矣。孝子幼數從母問父。何忘返。今安在。母持之泣。且曰。兒知憶而父甯。使父得歸。卒撫爾乎。孝子則大痛。年十九。請於母曰。兒已長。願往尋父。幸必奉父還。眾止之。不可。遂獨行。求父度淮南北。歷燕齊。穿楚豫。秦隴。所值雖傭保。負販浮屠術師。流丐之倫。皆潛察無敢忽。慮其父之或遁於是也。周行五六年。日不再食。憊甚。柴立如植。鰥然終已。不遇。心疑父已死。遇骸骼之委溝壑者。輒漚血漉之。堅不入。

乃捨去復誣號於塗。初孝子將出懼已不審父狀。則張牘書應
麟名及鄉里年歲容貌揭於背以行。久之抵馬邑。馬邑故山西
邊兵後人。烟凋喪。孝子旁皇無所告。張文義者縣人也。聞之太
息曰。嗚呼。是豈趙君兒耶。亟走視。問其籍。故會稽。誦所書牘曰。
是矣。吾幸識而翁。翁客遊無所寄食。窮歸。我嘗爲我授書。甚適
吾哀其旅死也。櫛而封之。高不及馬腹。手表之木。今且拱。孝子
聞言。擗地慟奔之。窀所號而仆。絕復蘇者數乃負骨歸。冀少慰
其母。馬邑人爭來聚觀。皆泣下。少畱之。不可既歸。服斬衰。躬饘
塊築墓。時時哀號。復託教授。供其母極艱。且勤。母亡得合葬。廬
冢上。三年。康熙己巳。孝子卒。後四十餘年。守土吏上其事於

朝。詔祠之廟。且賜金俾冢石而旌其門。

王孝子事畧

王孝子原直隸文安人也。父珣當明季苦歲荒役重不能支。辭其妻曰。我去則追呼不及門。嫠婦孤兒庶可安也。遂逃去。不復返。時孝子方在抱。稍長從羣兒學。有嘲其無父者。歸問母得其故而悲之曰。我當求父母。曰。兒幼不能也。孝子慧甚。及長設酒肆。多作裨履諸行色所需物。遇遠客至則資而厚款之。不受值。問所欲曰。吾父姓某名某貌若何。亡出有年矣。倘所寄寓若道途邂逅者。客幸爲兒迹訪相告。生死不忘酬也。居久之無所得。旣娶婦乃復辭母。覓父去。母泣留曰。年遠父存亡不可知。且若父黽耳。流落何處。誰知名者。無爲父子相繼作羈鬼。使我無依。

孝子痛哭曰。不得父兒不歸也。幸有婦侍母。母勿以兒爲念。遂行。足迹半天下。日乞食充腹。跌步重趺。至見骨。南北去來積十餘年。無倦色。一日渡海至田橫島。假寐神祠中。夢至一寺。當午。僧炊莎食之。味苦。以糲肉爲湯和之。乃甘。尋驚寤。遇一老父曰。孺子憊甚。何爲者。孝子以情懇。且語之夢。老父曰。試爲子占之。午者正南位也。莎根附子。泥肉和之。附子膾也。求之南方。父子其會乎。孝子喜。拜謝。遂南踰洛漳。向洛汝而行。所歷寺皆遍已。而至輝縣之帶山。有寺曰夢覺。孝子心動曰。吾夢豈至是微耶。天雨雪寒甚。臥寺門外。有僧見之。詰知其尋父也。憐之。導見其師。與之食。師曰。子何貫。曰。文安。曰。吾徒舊有文安人者。盡出與。

鼓鄉井乎。及相問姓名。卽其父也。乃相抱持。慟哭。父猶未肯卽歸。曰。吾棄家久矣。無顏復返。孝子牽衣哭不止。寺僧皆感動。勸其父曰。若不歸。子必死。子死。妻媳必繼死。奈何忍滅一家親也。於是相將還里門。夫妻子母復聚。鄉人嗟歎。父子並登大壽。比孫而顯貴。科名繁盛。迄今稱右族焉。

耿孝子事畧 耿極 耿光 耿於義 耿輔

耿孝子名耀。河南太康人。邑諸生。少從兄光學。事之如父。凡出入起居。必諮稟而後行。光嘗與之財。孝子曰。家有長兄。我無用此爲也。崇禎壬午。李自成陷太康。孝子率弟炳。肩輿昇母避河朔。貿市以供甘旨。母病。孝子朝出經營。暮歸侍疾。衣不解帶者累月。母沒。扶櫬渡河。將殯於祖塋。會鎮帥高傑兵作亂。道梗塞。孝子從刀山血海中。挽車以葬。不恤也。時定興耿樞與弟極。以孝友稱。炳嘗慕其爲人。訂爲兄弟。分宅以居。且贈田四頃。其義譜有云。性地成宗。心源爲譜。孫夏峯徵君聞而義之。爲作三耿合傳云。光字伯明。邑諸生。事繼母孝。教諸弟嚴。家世業農。父應

科好施與。七世同居。子姓百餘口。置圓几二。外則男子。以次共食。內則婦女。以次共食。額其堂曰效藝。嘗赴省試。拾遺金數百。於旅舍。俟其人歸之。嘗言行事當以聖賢爲法。始無悔事。立心當求鬼神可鑒。始無愧心。其刻志勵行如此。子於彝有學行。光卒未葬。值流賊屠太康。居民逃竄於彝。獨抱父柩號泣不去。賊大至。慌之曰。汝獨不畏死耶。推墮城下。傷腰背幾死。越三日。賊退。踉蹌歸家。以土掩柩而後去。時歲大殷。人相食。邑令餽穀四十斛。悉推其餘以賑貧人。督家僮廣種菜。明春菜發。任人刈取。所全活無算。年八十二無疾而終。耿氏以孝友名世。子姓守其家法。中州稱禮讓者。以耿氏稱首。又有耿孝子輔者。虞城人。邑

諸生早喪父奉母避亂開封會流寇決河灌城輔倚浮木負母渡水逃獲免後居母喪哀毀骨立縞衣粗食終其身以子悖出贈給事中與於葬並祀鄉賢

國朝先正事畧卷五十六 孝義

平江李元度次青集

劉孝子事畧子青藜 王 珽 李 惲 劉 星 郭培壩

劉孝子恩廣。河南襄城人。當明季寇亂。父漢臣被執。孝子方十歲。號哭奔赴。父已被害。慟哭收父屍。賊怒截其耳鼻。不肯去。賊憐而釋之。負父屍以歸。兄弟同居。終身無閒言。有姊少寡。迎歸撫其二子。給以田產。母歿哀毀。嘔血。遂以卒。寢門外產芝三本。人咸謂純孝所感。云子青藜。康熙丙戌進士。選庶吉士。性敏好學。博極羣書。十歲遭父喪。哀毀。啞血成疾。後母患疽。目不交睫。衣不解帶者七閱月。浹於仕進。請急家居。不復出。母數促之。終

不忍離膝。下生平清介自守。及母卒。囊無一錢。邑令致賻始克殮。父子並祀鄉賢。

同時王孝子。庭祥。符人。性純孝。年八歲。侍祖父疾。母氏刲股以療。翁孝子十指忽痛。其趨問母知其故。卒飲泣不言。以成母孝。與子符震同舉康熙甲子鄉試。乙丑成進士。部檄至。依依不忍離膝下。父母督之不得已入都。一夕夢中忽驚悸恍惚。母氏刲股時情狀急馳歸。母疾已大漸。人以為誠。孝所感服。闕父促令就銓。得新會令。會裁缺。卽告養歸。絕意仕進。所學一宗程朱淹貫經史。尤邃於易。祀鄉賢。又同郡李孝子。惻尉氏人家貧。以木工營生。父患痺痿。孝子事之惟謹。遇歲歉不能養。乃乞食於市。

歸以啖父。後得貶穀一石。慮不可長。繼曰。春升許供父。而以糠
秕自咽。及父病劇。夜中鄰人猶聞孝子撫摩嗟泣聲。遲明則孝
子已抱父足死矣。其父亦一慟而絕。鄉人重其孝。爲葬之。雍正
十一年旌。又有劉孝子星者。祥符人也。爲諸生。有學行。年十
三喪父。哀毀逾常。母病。刲左股以進。疾遂瘳。生平雖盛暑。未嘗
袒裼。恐人見其創痕也。後以子士聰貴。贈給事中。

又郭孝子培壩。新鄉人也。邑諸生。性至孝。母沒。廬墓三年。晨夕
哀號。塋外舊有先世祠。一夕失火。孝子抱木主冒火出。倉卒中
遺生母像。復衝入烈焰中。檢得之。身幾殞。性尤廉介。取與無所
苟。有藥賈止宿其家。遺金百兩。孝子追還之。雍正六年旌。

顏孝子事畧 顏 龍

顏孝子中和本名發祥吳之楓橋人其父宏仁順治初有怨家周昌者乘亂偕其黨十餘人誘宏仁閉空舍中殺之而棄其首已顏氏得道旁尸驗之良是屢購其首無有也及物色殺者主名知爲昌連控諸官不得直時孝子年甫十三痛其父被殺嘗與兄孟和取析薪斧出礪之復束藁草如人形書昌姓名其上以試斧如是者數矣鄰里知者數易之以謂此穉子戲耳卽昌聞之頗心動然亦未暇備也逾三年孝子懷斧竊告其母曰兒將往復父仇母大駭搖手止之曰昌無籍有膂力汝弱小何能爲慎勿自速死也孝子奮衣出門不顧是日值昌市中孝子陰

尾之行昌不知也。行稍前遽自後揮斧中昌首流血被面。昌方左右顧。又斧之。會其母趣孟和走視弟。孟和趨至昌已死。兄弟相率號於眾。請偕詣官首罪。眾如其言。既至縣庭。孝子與孟和爭自承殺。人官不能決。眾從旁分別言之。始下孝子於獄。其母蒲伏往視之。且哭且撫其背。詭曰。駭兒。豈不聞殺人者死。顧欲以父子兩命易人一命耶。孝子怡然曰。父仇得復。死不憾。其明年巡按御史錄囚。遂釋孝子。而周昌前所與其殺宏仁者十餘人。先後皆病死。臨死時皆言顏泰如守我。偏體青赤色。若有擊之者。或又言泰如幸緩我。泰如者宏仁別字也。不期年十餘人無一在者。而孝子兄弟無恙。

顧孝子鼈亦吳縣人也。年二歲時父仲常爲其仇金瑞甫所殺。鼈稍長知父死狀。卽淬一刃挾以出入。金亦避之。順治辛丑。鼈年十八。遇金於胥口。拔刃刺之。金躍入水。鼈從之。連刺不死。金逸去。挾重貲誣鼈以盜。兵備王紀郡丞劉瑞訊得實。卒誅瑞甫。

吳孝子事畧

孝子姓吳名紹宗字二璧江西新城人性敏善屬文弱冠補諸生第一屢試輒高等父道隆病久之痺不能起前後血並下醫藥十餘年罔效康熙戊午正月病甚孝子惶恐無所出乃齋沐焚香告天地刺血書疏將謁大華山自投捨身崖代父死大華山者撫州崇仁縣名山也距新城三百里相傳神最靈異諸采謁者有罪輒被禍不得上甚則有靈官擊殺之同行人間鞭聲鏗然或忽狂病自道生平隱慝而神殿左有懸崖陡絕曰捨身崖人情急不欲生者則擲身投之頭足盡破折死孝子既告天作疏獨身行二日至山上宿道士管遜吾寮同寮宿者南昌鄉

先生二人同郡邑諸生二人十八日孝子入廟默禱焚疏訖同寮人邀遊著棋峯路經捨身崖孝子忽越次前行至崖所欲然投身下同行入驚絕不知所爲一時傳駭聚觀者千人道士趨買棺往就殯白山頂至崖下路紆折四十里而殿上道士急奔崖所呼眾人曰誰云吳秀才投崖死者今方在神座下叩頭方巾道服如故眾走視之果然方孝子之自投也立空中不墜開目視足下有白雲起遙望見石門門上一大孝字俄見三神人命之曰孝子吾左側石有仙篆九十二畫汝謹識之歸書紙食汝父不特卻疾且延年更授治痢瘰癧咒并諸篆孝子叩頭謝畢身已在殿上孝子乃言吾如夢中也遂馳歸一日有半而

至家至則父垂絕孝子急書一篆焚服之室中皆聞香氣甫入
口父喈曰是何藥耶疾大愈孝子徒步往返六百里不飲食者
五日而父乃益康彌善飯以詩酒自娛年九十二無疾終焉孝
子生平好名義輕財數爲人解訟聞旣感神應益自修人病苦
者恆用符篆救之以施藥爲名

朱孝子事畧

孝子姓朱名壽命。江西餘干團湖村人。康熙乙卯。遭亂與母李相失。孝子日夜泣。不欲生。如是者數年。一夕夢若有神語云。汝母無恙。籍正藍旗下。孝子益痛哭。遍拜其戚族鄰里。且與訣曰。壽命苟不見母。不生還矣。短衣芒屨。背黃袱。足屨赤。露匍匐三千餘里。走京師。至則行乞市中。或遺以餅餌。則自食。遺以銀錢。則紉衣縫中。竟日忍飢。不敢費一錢。爲贖母計也。蹤跡久之。果得母所在。如夢中語。而旗人故邀重購。拒孝子。孝子曰。踞其門外。雙膝爲腫。遇母生曰。持肉麪一盂。跪進。母伺母食畢。然後起。邵遠平學士時官京師。義而嘆之。旣出。無所依。因畱學士家。母

性下急。小不如意。則詬詈不休。甚則捽而批其頰。孝子益嬉笑。謝曰。恐傷母手。後數月。得便舟。奉母歸。餘干孝子體羸面黃。不知書。故其語質。每對人言。在母腹時。日吮母血。三合。何忍不報。蓋其天性也。

楊孝子事畧 蕭日璜

孝子名文蔚浙江上虞人父榮明諸生康熙丁未父年八十有
七病孝子走廁噓嘗其糞廿號於天請身代不得父竟死越十
年母病病中死法醫者凡數輩皆辭去孝子獨念父危死不救
今復爾生男何爲也世已無鍼灸技豈湯醢亦告絕乃闔戶割
左臂以其肉雜薑汁灌之三灌三進母病霍然已時丙辰九月
二十一日也方孝子將割臂束臂以兩麻令肉墳起然後迫噬
之而脫之以刃故創甚鉅骨露凡百二十日始合創人不知也
六年邑令廉其事告諸臺使者將旌之孝子再拜泣辭固強之
泣愈甚乃題其門曰以身壽母孝子爲人謙而和輕財好義不

以俠烈名人以孝稱之必變色踟躕。每月占輒禱城隍神願洩
年益母壽。然秘不令諸兄知。若惟恐以獨行傷兄意者。同時有
蕭孝子者。江都人也。諱日璜。母朱氏病且殆。孝子刲腸割肝使
婦虞氏和藥進。母病愈。而孝子死。孝子既喪。虞氏謂母初愈
不當使聞。增悲慟。乃匿語姑曰。日璜出耳。殯孝子他室。貧則衰
經而哭。入則常服。而奉進食飲。孝養十餘年。姑死。虞氏守節以
終。孝子事在康熙時。墓在梅花嶺東。邑人祠於墓側。轉運使朱
孝純主修其祠宇。爲立碑而銘之。

張孝子事畧

郭店鼎

江大賓

張孝子森小字洪居福建連江人生有至性父震公挈家避亂於邑東之岱堡順治十三年海寇陷堡張氏一門殲焉獨震公以他適免孝子時年七歲被掠往龍巖既竊之廈門稍長傭於清漳震公謂其已死也康熙十年孝子年二十餘思念其父母每遇佳辰輒雨泣或夢中號哭不止顧忘其鄉邑及父名字因為傭時人謂其語音似連江而彷彿憶天真者父名也遂奔連江越數日無所嚮哭於途或問父何名泣曰忘之矣此閒母乃有張天貞耶願見其人於是震公問之曰天真吾亡弟彼焉得識之急走視遇於南關叩其詳大喜攜與歸呼其母出曰吾兒

洪。居。不。死。今。歸。矣。孝。子。熟。視。母。良。久。曰。非。吾。母。也。震。公。曰。果。非。
爾。母。也。母。亦。斃。於。賊。矣。此。爾。繼。母。耳。孝。子。拾。地。大。哭。自。是。事。繼。
母。如。所。生。念。母。死。於。賊。賊。仇。未。復。慟。不。欲。生。更。持。服。三。年。每。哭。
失。聲。鄉。里。賢。之。雍。正。七。年。旌。同。時。有。郭。君。居。鼎。者。海。澄。人。由。
歲。貢。歷。官。戶。部。郎。中。幼。失。怙。恃。哀。慕。終。其。身。兄。居。昌。因。亂。相。失。
跋。涉。相。尋。凡。二。年。行。數。千。里。遇。於。轄。學。以。歸。分。產。共。之。邑。五。都。
海。塘。決。漂。室。廬。亡。算。捐。千。金。興。築。邑。人。立。石。紀。焉。雍。止。初。入。祀。
鄉。賢。又。江。孝。子。大。賓。泰。甯。人。生。數。月。父。遊。學。京。師。轉。徙。山。陝。閒。
落。魄。不。歸。孝。子。稍。長。痛。不。見。父。誓。不。欲。生。俄。聞。父。在。漢。中。遂。辭。
母。往。尋。貧。且。病。長。途。孤。影。瀕。死。者。數。矣。抵。漢。中。不。宿。旅。舍。席。荒。

如蔓草中號泣周詢久之竟得父扶以歸父年七十矣又數年
卒於家有以尋父狀問者孝子輒諱之不欲以孝名

鄭孝子事畧

吳國肇

何履旭

李盛山

林開登

鄭孝子江字若庵福建侯官人慷慨有至性母葉病將革孝子
割股和羹以進母霍然起曰兒創無恙乎適神告我病將立瘳
順治五年大饑穀數斛可易田十數畝孝子謂其妻陳氏曰美
田宅易得也乘人之急而利之不義擁餘粟而坐視無告不仁
且遠計子孫何如近憐兄弟氏曰善乃以穀分贍宗族塾師劉
慶開妻歿爲製其孤里中有周九者重困官役父子三人將仰
藥孝子排戶入贈金力救其死有販豕者被竊喪其貲窘甚走
投河孝子資以金如其亡數得不死聞者義之又吳孝子國肇
何孝子履旭皆閩籍並割股療親病而李孝子盛山林孝子開

登則並以割肝救母聞

國學福清人父鼎臣官永定訓導病篤孝子割左股作羹以進未愈羹右股遂痊越三年父沒海寇逼城孝子負母鼠母病孝子自割如前病亦愈履旭字君章福清人父其達早世奉節母葉氏竭力色養母疾篤倉皇籲禱一夕夢神授藥手按其股乃焚香告天割股和藥以進母尋愈待兄弟極友愛著有心鳴集盛山姓李氏羅源人也母鄭遇重疾孝子禱於神割肝作羹以進母竟卒孝子亦卒雍正六年事聞得旨割肝療疾事雖不經而其迫切救母之心實難得而可憫其子旌而同時林孝子割肝救母年纔十四其事爲尤奇林字亮中名聞登福清人

謝孝子事畧

陳開運
余萬春

賴用賢
鄧成珠

李人鳳

李人彪

謝孝子獻恂。福建甯化人。事親至孝。嫡母雷氏無出。父客外。再娶王氏。生孝子。父旋卒。孝子扶生母歸里。奉嫡母雷。克盡子道。雷卧病。孝子刲股和藥。以進。病立愈。順治中。邑令何鳳岐表其門。爲請旌焉。時有陳賴李。余諸孝子。皆閩產。並以卓行聞。而鄧成珠者。家貧。至餽力以食。亦以純孝著。

陳孝子開運。字而鈞。清流人。父病。割股以進。兄弟八人。友愛無間。言縣令賈漢儒請旌其門。同邑諸生賴用賢。字鴻達。侍母瘼疾十年。躬調湯藥。衣不解帶。母歿。苦寢。極側哀毀。骨立。五世同居。人稱陳賴云。李孝子人鳳。字亦凡。長汀諸生。嘗爲其祖母

祗癯居父喪不食七日弟人彪亦刲股療親病時稱一門兩孝子余孝子名萬春清流人邑諸生母病刲股調藥母卒哀慟以頭觸柱絕而復甦苦次歡粥茹素三年如一日鄧孝子成珠者泰甯人也家故貧父早卒傭於廖氏距家數里日乞米一合味日趨送母所疾趨反供主役亡何母目盲不能炊乃負母依主家旁舍朝夕手自飯之久而主有微言孝子曰某自減餐奉母不敢重累主人也晨昏弗懈便溺必親者五年母卒日夜長號聞者皆流涕葬畢辭主人不知所之

沈孝子事畧

沈孝子萬育字和卿江蘇常熟人鼎革時避亂負母周氏行於野遇盜奪其精母固不與盜怒將殺之孝子泣而求代並得免鄰人失火延母寢母疾方劇不可以變孝子號痛呼天天反風火以息母年八十餘疾危篤醫皆言法不可治孝子割股以進弗瘳夢緋衣神告曰疾非五藥所能治也醫凌某在雙林速致之凌至以針達之霍然愈孝子性好義屢建橋梁施棺槨以成母志卒於康熙四十九年年九十有四臨終惟呼父母子六皆爲諸生其二登鄉薦孫淑官編修嘗乞方侍郎苞誌其墓侍郎之言曰嘗怪書傳所紀以孝感鬼神而得異徵者大抵皆獨行

之士而聖賢則無之。蓋聖賢之學。至於知命而不惑。雖事父母。亦盡其心與力之當然而止耳。獨行之士。悲憂感發。若焦若熬。常欲殉以身命。故精氣之積。而鬼神爲之通理。或然也。學者以爲知言。雍正四年 旌。

國朝先正事畧卷五十七 孝義

平江李元度次青集

王孝子事畧

王孝子恩榮字仁庵山東蓬萊人也爲人原款而深挺造次不能以文自達縣小吏尹奇強性險猾頗以巫醫之術有寵於官孝子父永泰因真產與角口被毆中要害立死時孝子甫九歲祖母劉氏年高訟之官不得直僅給埋塋銀十兩祖母傷痛自縊孝子母劉氏健婦也瘞其姑藁厝永泰棺於市僦屋其旁居之大書曰殺爾父者誰也泣血三年病甚呼孝子至榻前授以官所給銀曰汝家以三喪易此海枯石爛存此志恨不可忘也

孺子識之。孝子游羅大事家盡落。依舅以居。厲志讀書。稍長。補諸生。誓於父柩前。尋仇。以斧自隨。其舅患之。誘使居長山島中。禁勿令出。且告之曰。孺子志誠善。但殺人者死。國法也。爾父之鬼餒矣。孝子流涕聽命。每晝取史記伍子胥白公列傳朗讀。讀已。痛哭。夜靜焚香。長跪告天。絮語達旦。時或困倦。假寐。輒連聲。魔厭大呼。怨家在此。年二十八。舉子辭於舅曰。可矣。遂行。踰月。忽遇奇強於道。揮斧急擊。稍遠不中。乃投以石。仆地道旁。人爭抱持之。得免。奇強諱不言。裹足不出一日。偶獨立門首。又爲孝子所見。直前斫中其首。帽厚偏引至耳。扶傷脫走。其家奔訴於官。時已年遠。吏胥案牘無可證。孝子出母故所弄銀陳之。訟庭。

殊批。爛然。旁以血書。鈐之。縣令嘆曰。至性人也。吾欲尼爾。則傷
中天之恨。欲聽爾。則違累赦之條。周禮調人之法。具在。各爲趨
避已耳。孝子於是噉然而哭。縣令亦哭。堂廉內外。觀者盡哭。孝
子既再舉。不得奇強。亦遠遁棲霞。相隔八年。適蓬萊人有患病
者。力延奇強。請治。奇強亦以事久稍安。入城過一小巷。四顧無
人。方衰哀閒。孝子突出。扼之。奇強皇窘。伏地乞哀。孝子曰。吾父
遲爾久矣。遽劈其腦。腦裂以足。連踐其心。而絕於時。見者驚出。
不意相率前擁孝子。孝子笑曰。豈有白日殺人。乃畏死者。遂自
繫赴縣。會奇強家訟。當日永泰故自縊。非毆死。縣令欲開棺驗。
視孝子曰。某已有子矣。甯抵死。不忍再暴父骸。叩頭出血。縣令

固然。乃爲博稽於介冑。皆曰。孝子言是。遂具牒。法司。法司議曰。古律。無復仇之文。然查今律。有擅殺行凶人者。子杖六十。其卽時殺死者。不論。是未嘗不教人復仇也。孝子父死之年。尙未成年。其後疊殺不遂。雖非卽猶卽也。觀其視死如飴。激烈之氣。有足嘉者。相應。特予開釋。復其諸生。卽以原存埋葬銀。還給尹氏。以章其孝。且將具題。請旌孝子之舅。聞之。見有司曰。孺子求見其父母耳。夫人遭奇禍。以要旌門式。閭之榮。又何忍矣。法司嘆曰。汝亦賢者也。遂止。而祀其母氏於祠。時康熙四十八年也。其時。苾孝子事者。撫軍則中吳蔣公。陳錫提學。則北平黃侍講。叔琳及滇南李觀察。發甲云。

謝孝子事畧 五 全

謝孝子萬程。河南唐縣人。妻李氏。楚人也。事親孝。父儀爲諸生。食簞屢困場屋。司農旣裁簞廩。益屢空。孝子夫婦耕織供滸。無闕。儀老且死。不克殮。夫婦號泣。擗踊里巷。哀之。然力不能助也。孝子目其妻泣。若有言不忍。李氏知之。請自嚮。以營葬具。目其子俊。姓泣。時俊。姓生甫五閏月。不忍。戀遂行。里巷哀而記之。曰。康熙某年七月二十日。孝子謝萬程。嚮其妻葬。父鄰村董官店王全者。先有子七歲。遭寇掠。遺唐縣道中。有翁姬養而子之。義不得返。全乃議置妾。以二十四金買李氏。氏歸焉。泣而請曰。妾生士家。知詩禮。翁死不得已。鬻身以葬。願早夜供織紉。全妾

節君德益洪遠必昌厥嗣全故知萬程夫婦孝至是感其誠惻然許之明年全子所養之家其翁姬皆死得歸全兄大有故與弟積忤誣爲逃人也慙於兵備使者詞連李氏時南陽郡丞漢陽張三異循吏也有異政遠近戴之奉檄按其事全偕其子至曰非逃人吾子也向掠今歸耳詢少婦何人全備述其事詢李氏涕泣自陳具言全節狀且請召萬程察之萬程至具言所以鬻其妻者張公歎曰古有備身以葬親者世傳至孝汝若此可謂孝矣乃笞大有而畀全金賞萬程幣示於衆曰康熙某年七月二十日孝子謝萬程夫婦完聚如初且旌其門曰節孝雙奇於是里巷無遠近咸贈孝子金與粟好事者至演之爲傳奇論

者謂子克孝。婦他適而完節以歸。其去而復返也。歲月日時無
易。是有天焉。而張公化民訓俗。及王全之。完人節義。爲皆不可
及云。

蕭氏兩孝子事畧

蕭孝子啟聖弟鳳騰。江西樂安縣雲蓋鄉人也。當父喪日。兄七齡弟裁四齡。卽克盡哀禮如成人。時逆藩倡亂。母氏負抱兩孤。避賊山谷。暮陷虎穴中。虎瞋之。啟聖乃身蔽母泣告曰。請噉我母傷。母及幼弟俄而虎竟去。寇平。啟聖年漸長。念母勤苦。乃廢書。偕弟力田。以爲養母。以家學弗繼爲憂。鳳騰於是復就學。刻苦下帷。燈焰熏帳中。至黝黑不可辨。後雖終於諸生。而母意未嘗以爲歉也。兩孝子當母患。則請荆受杖。病則籲天祈身代。母旣沒。兩孝子負土成墳。三年廬其側。祭日。僂聞。僂見如慕如疑。事之若生時。其相友也。自幼至白首。怡怡然。於妻子無所私。如

胡氏婦曾氏。居室禮讓。內外雍肅。數十年如一日。鄉人以爲難。
啟聖年四十無子。鳳騰歷雨雪涉險阻。爲求側室。旣而主男側
室卒。曾氏減次子乳。乳之兄。嗣由是得續。兩孝子聞母言。父平
生欲修葺遠祖蕭儀忠諫坊。貧不能舉。齋志沒。康熙庚子。啟聖
兄弟力新之。竟克成。親隱願云。兩孝子沒後。其家五世未嘗析
爨。和順之氣。油然而鍾於一門。

王孝子事略 劉必泰 邱永彰 胡士宏

王孝子麟瑞福建南靖人邑諸生八歲喪母能盡哀事繼母如所生母病渴思食青梅孝子繞樹呼號絕食三日是夜梅忽華旋結實摘以奉母病立愈父歿廬墓三年突遇虎虎卻避之間者異焉里人劉陞適金數百拾而還之俾得完娶雍正元年舉孝廉方正以薦授永平知府歷四川道監察御史同時有劉孝子必泰字閩人莆田人也郡廩生六歲哭母幾喪明父疾露頂焚香乞以身代父偶思石鱗魚伏月不可得孝子夜馳深山中行百里叩瑞雲宮乞神助果獲魚以奉父後父歿廬於墓側每大風雨輒繞墓哀號事兄如父兄歿夜臥柩旁哭聲震四鄰時

稱其孝友。又邱孝子永彰者。龍溪人。弱冠喪父。事母至孝。母歿。廬墓哀號。每風雨。聲益悲。鄉人化之。初以貧不克葬。父數仰天泣血。一夕。剔筭供母。得金泥中。乃克營父殯。人謂孝思所格云。雍正七年。詔旌其門。父會稽有胡孝子者。名士宏。字大生。父患痼疾。侍湯藥。惟謹。衣不解帶者十五年。雪夜。父渴。思食。梨。時城門已扃。孝子繞城隍號泣。忽遇一軍士。指負堞一舍。引之去。得梨以歸。詰旦往謝。堞下不復有舍。惟漢前將軍關侯廟在焉。始悟爲神所使也。父殯。營葬東湖。躬負土石。建隄植木。人呼孝子隄。

黃孝子事畧 子商衡

黃孝子名農字古處江蘇元和人父哀縣學生有孝行生子二長庭次卽孝子孝子年十餘母吳有疾臥牀三載孝子奉湯藥惟謹已復病利方大暑扶掖轉側手除穢溺閱數十晝夜不懈母卒號慟絕復蘇者數旣歿坐卧不離柩側獨居輒喃喃共母語夢中時作歡笑聲旣覺則大哭如是者逾年葬而歸伏地哭不能起父方教授於外攜入館久之啟其枕漬淚若膏貌瞿然視初喪不異也已而父遷館距家數里孝子念父五日一往省父止之乃私伺門外遇館童出問安否曰安則欣然去或曰否卽趨而進問所苦褻裋不忍去衣服器用時其寒暑輒具以往

父歸左右侍。無頃刻離。既成婚。依依若孺子。一夕鼓三下。忽心悸。蹶起。謂妻曰。吾父其有恙乎。方嚴冬。不及旦。疾馳至館。父果得暴疾。昇以歸。疾甚時。父年五十一。術者言。明年數當盡。會臘夕。孝子書黃紙十餘。願減算二十年。益父元旦。徧詣諸神祠。焚之。是夕寐覺。喜曰。神許我矣。已而父果以七十二歲終。而孝子以三十二卒。孝子事兄篤友愛。兄舉鄉試。留都門家事。孝子悉自任。兩人同歲舉。子嫠病乏乳。命妻兼乳之。兒亦不辨其誰也。平生與人恭謹。犯者弗校。歲饑。減食食里中餓者。母忌日必省墓。涕泣。遇時物雖微。必薦疾篤。與父訣。哽咽而沒。先時枕邊置銀一裏。及是啟視。遂以含。蓋不欲以累父也。後數年父患心

痛呼號問措一少恍惚見孝子問何以來曰來侍疾耳手穿父
胸病良已孝子卒於康熙二十一年至乾隆五年巡撫徐公士
林揚於朝以孝子旌妻金氏年十七歸孝子孝子將終語
婦曰吾去侍吾母矣汝善相吾兄姣事吾父待孤之有立也勉
之時孤方四歲遺腹女才七月婦痛夫死孝欲身殉者數矣憶
夫言而止家故貧事翁極謹洗滌縫綴胥自任不以委家婦一
夕所居室震盪有聲急挈兒女出而屋毀或勸入娼室曰伯在
不可遂露坐達旦翼日召匠新之不愼一夕風雨方寐若或促
之起立披衣抱兒女走而牆忽崩牀几盡敗裂趨竈舂以免終
不入娼室也翁既終兒女婚嫁畢節婦以夫亡日設祭拜且哭

曰吾二十餘年戰栗自持恐負夫付託之重今幸畢吾事遂長
齋奉佛終其身雍正二年卒年六十有七其年得旌如制子
師憲改名商衡力學砥行陳恪勛公知蘇州拔真第一以諸生
終少刻苦夜寢刻香繫鐵鍾下承銅盤香盡鍾墜擊盤鏗然有
聲卽驚覺起讀好先儒新錄推衍戴山人極圖說貫以論語學
庸及橫渠紫陽之緒言曰困學錄父孝母節建坊後擇日奉主
入祠遽得疾強起拜送尋卒

胡孝子事畧

海陽有孝子曰胡君諱隆字景初代本素封至其父振鄉而家落孝子爲奉養計弱冠走京師謀筮仕父卒奔歸營葬哀禮交盡後入貲爲寶泉局大使久之改江南涇縣丞以母老不果就養數乞身上官詔之及母訃至孝子哀毀骨立歸見母柩則僵地大慟每一慟輒死復生無何以父墓地勢下思再卜穴合葬之暇父墳見積水蓄壩奮迅躍入穴抱棺長號與土工昇以上其日天寒風虐舉體皆冰孝子不知也旣開新穴孝子布苫由其下臥數夜驗有溫氣乃合葬時在仲冬中旬孝子年六十有四矣葬後結廬墓側親負土築墳面鑿手破瘡明年歲歉掘野

蔬合糜粥啖之而負土不休去其居平定村十里許三年中不一至也服除補浙之奉化丞權鎮海知縣先是丞涇時嘗攝其縣事又嘗攝旌德盱眙二縣事所至皆有仁恩士民戴之涇邑久旱步禱烈日中行七十里至岑樓潭有蜥蜴三游水面貯以竹筒攜之行不數里震霆大作四境雨霑足邑人呼胡公雨鎮海蝗蟲爲災田野厚積數寸孝子齋三日牒告城隍神蟲頓滅咸謂仁人之感冥漠如呼吸通也孝子有弟五入仕籍後自傷不得事父則致孝於其母視母意所向以厚諸弟爲吏餘三十年矣其卒也至無屋以居平生敦古誼專趨人之急其施於人者皆本原所推賢也長子文伯雍正四年以訓導引見奏對師

旨特擢禹州知州。曠典也。孝子時方引疾得家書。猶伏榻北向稽首謝云。

林氏兩孝子事畧 黃學朱

林孝子長貴。閩之福清人。父宗正。弟長廣。皆以晒鹽爲業。宗正以他事入城。至星橋。遇海潮暴至。溺以死。孝子聞之。奔救不及。仰天長號。投橋下死之。長廣繼至。繞岸痛哭。亦自沈。時雍正九年七月十七日也。孝子卒時年二十有六。弟二十有四。里老感其孝。莫不流涕。相與收三尸。殮焉。聞於官。同知張良弼捐俸卹其家。各大吏助葬金有差。明年得旨旌門。先是順治間。土寇陳德容作亂。有黃義士學朱者。甌甯諸生。孝子同郡人也。與弟俱被執。度不能兩全。乃紿賊曰。家有薄產。釋吾弟歸。以其直贖我。何如。賊疑之。欲遣學朱。學朱曰。我秀才也。貴重於弟。賊遂釋

其弟歸貧無業可售也未幾學朱竟被害聞者哀之。

李孝子事畧

李孝子名維煌字裕光江蘇寶山人也。生十歲而孤。方父疾時。日夕籲天。進湯藥。必親嘗。及父歿。哀慕逾常。兒終三年。不離柩。次人呼小孝子。家貧。無以養母。乃棄舉子業。任門戶。力求甘脆奉母。而自食藜藿。母偵知之。呼與共食。遂長齋。淡食。以慰母焉。母得喉閉疾。醫莫能療。孝子復籲天。三晝夜。母夢道者。授以鍼。曰。以汝子故。爲汝治之。汗浹背而愈。又嘗患背創。醫言當用艾灸。孝子恐母不勝痛。先自試。果大痛乃止。夜稽顙北辰。願減算以益母壽。亦獲愈。雍正十年七月。海上颶風大作。孝子所居江灣距海不二十里。水至。屋將圯。孝子負母匿几下。俄鄰屋俱毀。

而孝子室獨全。有弟爲叔父後。幼多疾。廢業。孝子輒分財與之。弟歿。字其孤。迎叔母共養焉。孝子事母未嘗一息離其從。兄錫泰巡撫廣西。欲招孝子往。孝子曰。吾安能一日離吾母哉。遂謝之。先是孝子喪父逾年。又遭祖喪。兩世孤露。不能葬。嘗布衣屏居。不與筵會。人或勸之。輒流涕曰。禮不葬不釋經。吾有痛於中也。及卜地葬。隆冬盛冰雪。手運灰土。僮仆垂絕。燼火灌以湯。乃甦。體素羸。竟以是病。將卒。屬二子善事祖母。奉母手大慟。瞪目而絕。孝子歿於乾隆五年。又十五年得旌。建坊江灣里。